




陶情樂府





陶情樂府序



升菴太史公謫戍博南蒲驃荒裔時天下知
 與不知者皆危之嗣其策筇竹度策橋橫衝
 危瘴其嘗鉤將曾而游精黑水之源騁日崑崙
 之麓齊跡夷險一視龍蠖殆駕素蚪乘翠雲
 而相佯曷嘗摧心抑節纖翳悲苦及掖秘蒐
 竒申眉高論之餘乃揚情綺語命韻追綜制

元人樂府數十齣皆自叶鷓鴣黃偏諧鳳律俾
狂山狼谷樂土平挹乾海黃塵青樓繡閣歌
之者崇逸思聞之者排窮愁揚抑大堤之曲
出江潭屈子之口芙蓉曲渚之篇為遼東亭
伯之辭遵聲究志聿當鏡仰豈謂托染欲
塵以折慢幢而頽風忠蓋實效裨激且大史
紅顏而出華顛未歸幾三十稔得古今奇譎

然氣益平宕言益溫藻海鱗風翼順適萬里
曾裴衷局脊復作羈逐狀耶是可知其人矣君
子母曰此風流緒藝易視之也臨川拙在揚子
澹齋余子請刻之謾書以傳好事

嘉靖三十年春新喻西嶼簡紹芳書

陶情樂府卷一

套數

仙呂點絳脣



萬里雲南九層天棧千盤險一髮中原回望青霄遠

混江龍。自離了蓬萊閭苑曉風殘月掛秋帆江

離漠漠水荇田田落日山川虎兕號長風洲渚蛟龍

戰鴻鴈池頭鯉魚山下鷓鴣堰底鸚鵡洲邊揚舫常

恨水雲遲授衣又早寒暄變恰似萍流蓬轉似曾飽

紫藤牽。油葫蘆。白雪江陵古渡邊解征帆上征

鞍楚塞霜寒楓葉丹沅澧波香蘭芷鮮武陵春老桃

花怨千里望雲心九疊悲秋辯又不是南征馬援壺
頭山愁望飛鳶。天下樂之瘦馬凌競蝶夢殘霧憇
風儻怎消遣斷角殘鍾幾度孤城晚回首送衡陽去
鴈忍淚聽盧溪斷猿亂雲堆何處是西川。那吒令。
怕見他盤江河毒瘴愁烟關索嶺冰梯雪嶽香爐峰
繚寨苗川千尋井下坡難萬丈梯登山倦硬黃泥污
盡舊青衫。鵲踏枝。一封書意態。萬里路恨綿
絲誰信道東下昆池又勝如西出陽關但得他平安
兩字休問他何日歸并。生草。空彈劍頻倚闌

比潮陽山水多鄉縣比江州月夜無絃管比夜郎春

夏饒風霰今日箇聞雞曉度碧鷄關怎記得鳴鑿晚

直金鑿殿。難縮壺中地休尋屏上船五華臺

望之愁心遠雙洱河渺之波濤限七星關疊之雲嵐

嵌琵琶亭下淚偏多鷓鴣嶺畔腸先斷。余愛見。

風兒酸雨兒寒雨霽風清擡望眼見西樓明日幾迴

圓辭家衣線綻去國履痕穿只道是愁來傾竹葉不

信說米盡折花鈿。賺尾。且聽滄浪吟休誦卜居

為愛碧山石磴紅泉策杖行歌興泐然醒來時對陶

今無絃醉來時蘇晉逃禪不似他憔悴騷人澤畔任
蒼狗白衣屢變咲蛙聲紫色爭妍浮名與我無縈絆
丹休尋無事散神仙

一枝花上元

天官賜福辰月姊邀歡地碧天開罨畫明月浸玻璃
景物希奇一處之堪遊戲一椿之俱整齊東皇富貴
纔開南部煙花競集。梁州。花神降看花市酒星
垂賣酒旗燈王也遊賞到然燈隊裁冰剪雪暗玉明
城駕鰲翔鳳舞象蟠獅把遊廣寒做五明扇面奪崑

崑裝七寶昇園祠太乙八洞仙故事送金蓮三學士
詩題更有那猜啞謎六祖禪機只見他並肩携手似

月宮中仙子相隨銀花陣火樹堆萬戶千門不閉行
樂泥光輝。尾聲。新裝寒幙全身見誤馬隨車一
咲回聽笙歌綺羅叢裡六分春一分早休五更轉三
更盡矣勸東君休空過了煖金杯

八聲甘州

詠月

席上有歌此詞者中有病句遂為改訂

冰輪懸鏡看漸離滄海飛上瑤京金波不定徧大地
霜凝冰淨千江有水千江暎萬里無雲萬里明是誰

將瓊樓玉宇修成。又。奈高處不勝清冷想素娥
應悔誤餌長生青天碧海夜々怎禁孤另仙家難免
別離苦靈藥難醫寂寞情有誰將蟾宮閨怨傳下青
冥。賺。圓缺陰晴总是人間天上情偏厮稱清樽
翠尊歌窈窕舞輕盈吹簫弄玉翩々下解珮飛瓊裊
裊迎娉婷從頭細數風流處百般堪聽。解三醒。
愛春月朦朧花影有千金一刻難并柳梢才上天街
靜又早人約黃昏照樓臺歌管聲偏細泱院落秋千
夜轉深穿芳徑真箇是惱人春色好夢難成。油胡

蘆。愛夏月雲頭金餅對蓮池紅粧臨鏡夜遊銀燭
何須秉暗牆頭自照流螢。解三醒。愛秋月四時
偏勝到中秋分外精瑩清輝香霧佳人興蛩才鬧鵲
又驚銀盤彩樣蓮花白金粟香浮桂子清寒光映真
箇是玲瓏七寶表裏通明。油胡蘆。愛冬月梅梢
清耿與馮夷六花爭勝玉圓瓊屑交相映喚詩人蓬
萊夢醒。解三醒。秦樓月與蕭聲並冷綠小月共
笙韻雙清西江月醉曹瞞恨牛渚月泛袁宏興梁園
月綠苔生閣芳塵靜長安月練搗秋風萬戶砧人間

境最堪憐晚行殘月茅店鷄聲。油胡蘆。娥池月

妖嬈倍增羅浮月夢醒參橫瑤臺月舞青鸞影海棠

月高燭燒銀。解三醒。初生月娥眉淡勻將曉月

弓彎西嶺上弦月參差匣露此見鏡暈花月擁祥雲

南浦月彩雲夢斷歌蘇小廣寒月一曲霓裳舞太真

重思省捻不如西廂待月成就鶯。油胡蘆。梨

花月溶。滿庭楊柳月低照樓心踰躑舞影桃花月

底香肩並梧桐月犬吠金鈴。解三醒。是恁的曲

般情景筆都是明月粧成月如無恨長圓滿却不似

世人離別輕今人不見當時月今月曾經照古人心

無盡怎能勾把嫦娥喚應問箇分明。尾聲。月圓

圓人歡慶仙宮塵世一般情但願得常把金樽和月

飲

七犯玲瓏四首 改舊詞

疑粧上翠樓垂楊映玉鉤重簾不捲餘寒透。香羅

帶。羅袖鈿空篋彈出江南怨翻成塞北愁。梧葉

兒。湯凝眸繁華時候只見得王孫芳草千里踟悠

悠。水紅花。歎韶華不為少年留恨青春獨把空

牀守蜂兒作隊鶯兒喚友魚兒不見鴈兒怎求。皂
羅袍。有信書難寄無言淚暗流。桂枝香。寬腰
帶脫臂鞞闌干劃損玉搔頭。排歌。何日可綢繆
。黃鶯兒。

昏々倦倚樓炎々暑氣浮離人最怕初長晝薄倖在
何州粉頸鬆羅扣弓鞋褪錦堦恨悠々雲傷雨愁辜
負調冰雪藕清暑共銷憂臨粧奩不見鳳鸞儔捻銀
針嬾把鴛央綉碧筒翠竿與誰唱酌銀牀珍簾與誰
並頭香冷黃金獸茶寒白玉甌荷香靜槐影收夕陽
西下水東流天際望歸舟

悲鴻度小樓飛螢滿院流火雲銷盡青山瘦蘆葉
汀洲南浦潮初落西山雨乍收冷颼々生綃翠袖多
少淒涼證候團扇掩嬌羞只贏得一重愁翻做兩重
愁恁能教長相思變做長相守玉人何在音書枉投
玉關何處山河阻脩每夜燒香拜何時秉燭遊銀河
耿壁月浮才看織女會牽牛指日又中秋
寒光凍玉樓霜威透錦裘起來呵手鉛華溜對鏡嬾
梳頭嬌淚紅冰落長眉翠月愁憶歲闌去冬時候誰

承望經今別久轉眼歲華週風掀衣只道玉人擲雪
敲窓錯訝檀郎扣誰來相探銀蟾半鉤誰來相伴銀
燈半篝業障千重透恩情一筆拘梅魂瘦竹影幽幾
曾胡蝶夢莊周默坐數更籌

中呂粉蝶兒

十二闌干見暮秋兩行歸鴈海天空錦字難傳碧鷄
寒金馬晚嘆年光如箭玉關人萬里情牽這愁懷怎
生消遣。醉春風。情意兩相投別離何曾慣同心
誰解玉連環即漸的遠遠柳鎖愁眉花濺粉淚雲迷

嬌眼。迎仙客。明月底海棠邊多情多俏多靈便

梁霜毫題雪絮半露春纖賞花心恰遂了平生願

紅綉鞋。又不是油頭粉面又不是急管繁絃又不

是西廂待月那姻緣試凌波雙洛浦對明月兩嬋娟

緊趁逐半霎兒何曾間。滿庭芳。到如今錦衾獨

眠清秋似水長夜如年向陽臺空把佳期盼隔多少

遠水平川我這裏歸期重算他那裏卜盡金錢望音

書尋方覓便向江頭岸畔錯認幾人船。耍孩兒。

昨宵夢裡分明見醒來時枕剩衾單費長房縮不就

相思地女媧氏補不完離恨天相思離恨知多少煩
惱淒涼有萬千別淚銅壺共滴愁腸蘭焰同煎。一
煞。藕斷絲不斷月圓人未圓月圓時枉把離腸斷
半天見風韻愁千里一弄見秋聲悶幾般和愁和悶
經歲經年。尾。你留戀時咱留戀天有線時人有
緣玉駝嘶逢着紅粧面纔是我相思債滿

陶情樂府卷二

重頭

清江引

留別文寧諸友

陶潛歸來三徑斜冷淡東籬夜橋頭烟柳疎洞口桃
花謝溫泉餘春何處也

劉建之

近新來情懷偏則恁惆悵憐同病愁看白髮添漸減
金釵興好良宵須將銀燭秉

李文瑞

蜀江楚江歸路渺萬里同懷抱我住幾時回君去何
時到相思信來南廬少

張子言

離堂話長銀燭短相對情何恨歡遊處、同惜別聲

聲怨梅花月明清夢遠

董宗完

玉山翠巖春興多別後君還過攀花贈遠人藉草成
孤坐黃鸝杜鵑誰與和

劉用晦

寶珠祇園懷舊遊露飲三更候花宮望碧雲網戶攀
珠斗洞天真人回別首

施應民

點蒼西遊曾與共別去情偏重蕭蕭白馬嘶窸窣黃
鶯弄垂楊繫情千萬種

段必明

五華仙人塵事少載酒來遊島才驚歡會稀又歎傷
離早王孫西遊生碧草

李華仙

駐馬聽

和王舜世六行四詠

鳴榔沙頭月落潮平送去舟風生古渡烟鎖平林霧
隱中流別離早遇鴈鴻秋思歸正是鱸魚候且共忘
憂消除賴有樽中酒

繫纜晨炊正是舟橫野渡時漁村乞火落葉添薪溪
菜分絲直釣難釣錦鱗肥空囊羞試青蚨技鼓腹而
嬉山肴野蔌皆嘉味

明月中天照見長江萬里船月光如水江水無波色
與天連垂楊兩岸淨無烟沙禽幾處驚相喚絲纜停

牽乘風直上銀河畔

遠客長宵一點漁燈伴寂寥潮生瓜步霜冷蕪城月
落楓橋玉人何處教吹簫愁心怕聽淒涼調一枕無
聊夔々五鼓催行棹

羅江怨

空亭月影斜東方亮也金鷄驚散枕邊蝶長亭十里
陽關三疊相思相見何年月淚流襟上血愁穿心上
結鴛央被冷雕鞍熱

黃昏畫角歇南樓報也遲更漏初長夜茅簷滴瀝

松梢霽雪紙窓不定風如射墻頭月又斜床頭燈又
滅紅爐火冷心頭熱

青山隱々遮行人去也羊腸鳥道幾回折鴈聲不到
馬蹄又怯惱人正是寒冬節長空孤鳥滅平蕪遠樹
接倚樓恨得闌干熱

關山望轉賒程途倦也愁人莫與愁人說離鄉背井
瞻天望闕丹青難把衷腸寫炎方風景別京華書信
絕世情休問涼和熱

黃鸞兒

雨中遺懷

積雨釀輕寒看繁花樹之殘泥途滿眼登臨倦雲山
幾盤江流幾灣天涯極目空腸斷寄書難無情征鴈
飛不到滇南

夜雨滴空堦傷愁人枕畔來鄉心一片無聊賴淚眸
懶揩狂歌懶裁沈郎多病寬腰帶望琴臺迢々天外
懷抱幾時開

霽雨帶殘虹映斜陽一抹紅樓頭畫角收三弄東林
晚鍾南天晚鴻黃昏新月弦初控望長空披襟誰共
萬里楚臺風

絲雨濕流光愛青苔繡於墻鴛央浦外清波漲新篁
送涼幽芳弄香雲廊水榭堪遊賞倒金觴形骸放浪
到處是家鄉

寒兒令

掩綉閨怨芳辰高樓前又驚楊柳新遠道風塵何處
雕輪提起怕傷神對粧臺獨鎖眉顰試羅衣寬褪腰
身紅鸞羞舞鏡青鳥罷啣巾人憔悴不禁春

勻晚粧繞迴廊拜月兒樓前燒夜香風韻幽篁雨洗
幽芳蕙草已啼蛩錦迴文織就鴛央朱絃琴彈罷鴛

鳳玉階生白露，冰簟冷銀床。郎何處，納新涼。
倚畫樓，聽更籌。珍珠簾捲上，白玉鈎。風又颺。夜又
悠。露冷月華收。慘雙蛾，懶抱箏箏。撲流螢，臥看牽
牛。金梭拋舊恨，錦字織新愁。休團扇，不替秋。
雪霽天，倚闌干。南枝頭。又驚梅，盡丹鷄。唱霜乾。鴈叫
風酸空翠冷，危巒引歸心。明月團。鎖歸程。白雪漫
湯銀缸愁未滅。畫閣夢初殘。寒萬里，客衣單。

對玉環帶過清江引

風花雪月

解凍池塘鴨頭新，綠皺楊柳東邊。鴛黃初擺，就行雨
拂高唐，飄煙籠遠岫。一暍寒生，羅衣金縷透。羅衣纖
腰元自瘦。料峭黃昏後。春光飄又零。花信傳還，慙紅
芳吹成南薰晝。

萬綠枝頭胭脂新，點破七寶闌邊粉。團拋幾箇燕子
拾香泥，蜂兒催晚課。暗減春光亂紅墻外過。亂紅飛
來千萬顆。滿地和烟墮。餘香粉蝶尋艷曲。黃鸝和惜
芳醉來清陰臥。

玉樹銀花飄、穿戶牖。翠閣紅爐織、籠玉手。驢子
緩吟鞭，羔兒催暖酒。明日尋梅前村何處有。前村朔風

夜半吼萬里平淵數豐年望十千令節迎三九東園
暗黃先上柳

水面樓臺影出清虛殿雲母屏風露見嫦娥面霞帳
掛金鈎天機垂素練窈窕清光離腸今夜斷離腸斷
時關塞遠且醉西園宴佳期玉鏡飛良夜金波淡悠
悠一聲何處管

慶宣和

細雨柴門鎖寂寥高枕連宵窓前不知鷄聲曉到好
到好

閑把離騷誦卜居野意亦踟躕花竹郊園也留予且住
且住

窮巷閉門有雀羅問是誰過酒聖多情約詩魔伴我
伴我

酒聖忘情世態輕吾愛劉伶醒了還醉醉還醒酩酊
酩酊

醉高歌

年々客邸春風夜々寒衾別夢五更離話正匆々又
被鷄聲斷送

一樽獨酌成謔萬里相思恨
有王孫歸路遠迢迢
又是綠波芳草

可憐寒食清明長是他鄉外
井烟花零落客心驚
酒懣如病

樓頭織女星光枕上白夷鷄
唱客愁最苦夜偏長
喜報一聲天亮

落梅風

病纔起春已殘綠成陰
片紅不見晚風前
飛絮漫曉來呵一池萍散

扶病起送春餘送春歸恨
他風雨百般歸都歸到家
居我試問春家何處

思鄉淚遠戍人夜更長
砌成幽恨四年餘
瘴海愁春夢兒中上林花信

烹蠶豆煮馬魚扶困起
西園南浦倩長陶
長歌慰謫居把朱顏酒中留住

黃鶯兒道情

早脫樊籠住蓬萊東復東
紫芝白石皆清供
金門九重太倉萬鍾
回頭看破黃梁夢
脫樊籠洞天春永

歲之有花紅

早之破塵迷住蓬萊西復西五禽三鳥同遊戲
洞天險梯乘流惡溪寬閑儘有壺中地破塵迷洞天春霽
歲之有鶯啼

早之謝朝簪住蓬萊南復南玄猿白鶴休驚怨芝泥
石函丹光蔚藍三花樹下長相伴謝朝簪洞天春暖
醉卧九霞嵐

早之換凡胎住蓬萊北復北群仙別後長相待蟠桃
又栽瓊花又開都來笑我朱顏改換凡胎洞天春在

重會上瑤臺

調笑白語 隱括澤民詞

珠樹陰中翡翠兒莫論生小被鷄欺鸛鵲樓高蕩春
思秋屏貯碧雙流璃御酥作肌花作骨燕釵橫玉雲
垂髮使梁年少斷腸人淩波襪冷重城月

城月影移花麝媒殘鸞帳遮側寒紅漏銀缸亞星回
漢斜雲收雨罷河橋楊柳催征駕畫雙鴉丹青無價
愁黛有人誇

崔徽

隼旗珮馬閭門西秦娘絳幘相追隨河橋春風弄鬢

影桃花髻暖黃蜂飛錦茵羅薦承回雲水屏梳斜抱
明月銅駝夢斷江水長雲中月墮韓香歇

香歇袂紅消記當時駐馬橋隼旗紆幘閭門道行雲
罷朝添香罷宵錦茵羅薦無心抱夢迢迢猿啼月曉

腸斷海門潮

秦娘

武寧節度客官賢後車摘藻爭嬋娟曲眉豐頰亦能
賦慧中秀外誰相妍花嬌葉困春相逼燕子樓頭作
寒食月明空照合歡床霓裳舞罷嬌無力

無力倚銀箏細腰肢掌上輕嬌歌慢舞霓裳並開簾

月明擎杯酒醒香山上客無歸與看嬾嬋花遮柳暎

飛燕蹴紅英

盼盼

臨邛重客蜀相如被服容冶人閑都上宮烟娥笑迎
客繡屏六曲紅氍毹霰珠穿簾洞房晚歌倚瑤琴半
羞懶天寒日暮可奈何掛客冠纓玉釵縮

釵縮髻雲鬆蹙山眉減笑容塵生綠綺無心弄風流
惱公沉吟懊儂玉釵羅袖和誰共別臨邛紅圍翠擁

春在錦城東

文君

寒雲夜捲霜倒飛一聲水調凝秋悲錦靴玉帶舞回

雪丞相筵前看初枝河東詞客今何地密寄軟綃三
尺淚錦江春色隔瞿塘故華灼灼今憔悴

憔悴寫封題墨淋漓淚點齊軟綃三尺愁痕寄星東
月西花昂柳低瞿塘春草人千里問桃谿金屏笑倚
何日手重携

灼灼

春風戶外花蕭蕭綠窓繡屏阿母嬌白玉郎君恃恩
力樽前心醉雙翠翹西廂月冷濛花霧落霞零亂墻
東樹此夜靈犀已暗通玉環寄恨人何處

何處闕仙粧鎖祇園春夜長語語接鶯情先向融

粉香淡淚光遊春夢斷空相望問行爲誰惆悵

憔悴只因郎

鶯鶯

白蘋洲邊張水嬉紅蓮上客心在誰丹山鸞雛雜鷗

鷺暮雲晚浪相逶迤十年東風未應老斗量明珠結

里媼花房着子青春深朱輪來時但芳草

芳草綠參差恨尋春去較遲蘭茗翡翠情難繫東風

一枝開殘幾時落花風起紅堆地負佳期黃金礦裡

千古鑄相思

茗子

半天高閣倚晴江使君宴客花當窓一聲雛鳳破凝

碧洞房十三春未雙目成眉語湘烟盪拂水縈雲聞
妙唱佩搖棄置洛城東風流雲散空相望
相望楚江頭響穿雲聽雪謳龍沙醉眼花枝瘦纖腰
一彊宮鞋半塊相逢湯道人依舊減風流白鬚衰柳
相對怎禁秋

好好

黃鶯兒 與李翰林吟風花雪月四首

一縷篆烟斜透羅帷爽氣嘉香生滿院薔薇架醒消
臉霞涼生鬢鷓冰肌玉骨迴廊下楚臺餘千金無價
歌扇掩團紗

羅袖拂香紅繞名園曉露散杖頭胡蝶驚殘夢八姨
翠封二喬錦蒙畫闌十二金鈴動倚東風洞房清供
春在膽瓶中

李

呵手弄絲篁向紅爐騁素粧瓊林遠近寒梅放白鸞
舞忙銀蟾凍僵玉山自倒消金帳到昏黃江天清曠
懶上剡溪航

李

滄海暮雲收碾玉輪浸玉樓闌干十二明如畫珠簾
上鈎金杯送籌清輝玉臂秋波溜廣寒遊嫦娥消瘦
禁符許多愁

楊

清江引 康良卿序上和對山先輩韵是日上元

鶯唇佳人鶯項管吹起香雲散金盃甘蔗漿玉彈珠
瑰飯水邊看花歸去懶

出墻花枝春不管醉把閑愁散日高未解醒鍾動才
能飯春天困人雲也懶

病來生疎絃與管曲水流花散仙娥句笑塩狂客詩
嘲飯青鸞寄書西去懶

真茶玩花人姓管綠綺春愁散峯頭玉液杯洞口胡
麻飯劉郎為誰塵夢懶

玉嬌枝

螳螂河尾望汀洲風驚浪起白蘋紅蓼滿江湄東流
湫々何之晴虹低垂雨霽時寒鴉過盡天連水問歸
來猶未有期放開懷且拚沉醉

刺桐花底嘆天涯年光如水看紅芳幾換綠陰移西
風搖落堪悲長安浮雲一片飛故鄉明月三千里問
歸來猶未有期放開懷且拚沉醉

鷓鴣啼起一聲々枕檝林裏夢回時提起故園忠南
雲目斷徘徊海邊孤舟似去時衡陽回雁無留意問

歸來猶未有期放開懷且拚沉醉
蟾蜍光裏半空中露華似洗對星移斗轉絳河低北
窓冷透羅帷兩頭纖纖玉鏡詩三更肝金波渡問
歸來猶未有期放開懷且拚沉醉

陶情樂府卷三

重頭

駐馬聽再遊寶珠寺

寶樹祇園曾借禪床一榻眠松風颭花露冷桂
月娟塵埃別後幾多年烟霞夢繞雲林畔剩水殘
山秋來一經過徧

寶地曾遊樹老花殘僧白頭佳人易散良會難逢又
是三秋悠悠歲月水東流及時行樂時難又尋壑經
丘風流肯落他人後

寶馬雕鞍兩過輕塵路未乾山開翠嶂水繞青螺露

冷金盃團、明月照閣、千城中不似山中看。携妓東
山、金屏咲坐如花面。

寶殿回廊曾列金釵十二行。香薰翡翠玉刻麒麟金
鎖。鴛央別來又見菊花黃。夢中猶記風流樣。再整仙
粧。相思重算當年帳。

風入松 小游仙

紫烟衣上繡春雲。鶴馭成群。碧桃花片隨流水引漁
郎。煙霧紛紛。一曲瓊音嬾奏。半瓢金醴先醺。
踈松隔水奏笙簧。洒面清涼。步虛聲裏無人和。是仙

家別樣宮商習。風生吳戶。纖纖月出庚方。

山風吹盡桂花枝。好夢醒時。玉童報道黃芽熟。喚隣
翁一笑。伸眉綠水青山。閑話清風明月佳期。

洞門深鎖碧窓寒。一枕槐安。梅邊讀罷黃庭了。起來
時宴坐蒲團。愛看琴中舞鶴。嬾從海上驂鸞。

黃鸞兒 閑情

采藥憶天台。盼仙音不見來。倚闌却把青鸞唳。香留
鏡臺。盟分玉釵。桃花流水依然在。憶天台。合懽雙帶
好寄與多才。

折柳記章臺，壁雲殘錦句。裁銀筓，一袖烟花，塞千回。
萬回傳盃放盃，故人惟有，何哉在記章臺。壺情擊愛，
舞袖與弓鞋。

遙夜步閑階，恨玲瓏音信。乖三生未了，鴛央債道來。
不來說諧，不諧窓殘夜，月人何在步閑階。藍橋路窄，
空使燕鶯猜。

聽雨坐空齋，任閑花爛熳開。碧雲信斷，南天外，風搖
綠視露零。紫苔詩人老去，鶯在坐空齋。黃昏無奈，
燈影照離懷。

美櫻桃

乍晴乍雨，閑庭院，輕寒輕暖。艷陽天。桃花似錦，柳飛
綿正社。停針線，踏青拾翠，歌慵笑嬾，看朱成碧。香
消玉減，鸞牋欲寄，無鴻便心。掛念，懸何時重會
好因緣。

冰肌玉骨無煩暑，涼亭水閣，賽蓬壺。流鶯喚起，黑甜
餘，追斷夢無尋處。天涯海角，音稀信疎，星前月下，形
單影孤。彩鴛羞見荷池，鷺朝，等夜，虛何時重會。

碧石紗厨

流螢月暗窺羅帳鳴蟬雨歇響長空西風又透木犀
黃聽促織聲嘹亮鵲橋龍駕天孫會郎兔寒蟾冷婦
娥斷腸人間天上同惆悵年々想月々忙何時携手
入蘭房

雲情雨意商量雪繡屏錦帳巧圍遮北風寒似夜來
此梅額淡無心貼更長漏永魂驚夢怯燈昏燭暗參
橫月斜鴛央錦字誰梢者迢々路處々賒何時同駕
七香車

金衣公子五闕為張愈光題五號

山翠合漣漪看南天倚杵低雙林八水幽堵以地花深
踞迷岩香草萋絀園碧瓦龍鱗砌倦攀躋以成半偈
清磬浴室西

右大悲半

碧塢接金天得清光萬國先龍宮一朵白蓮現仙娃
醉眠詩翁坐禪寒光老兔常相伴問嬋娟六千三萬
一半客中圓

右月塢

楊柳暗波光映牽風翠帶長並頭一朵白蓮共蘋芳
藻香鷗翔鳩頰吳喬晉隗相親傷恣踈狂眠汀漱浪
日々醉為鄉

右雙塘

暖：遠人村帶殘霞，水門金光明。鴉成陣，扶桑
曉嗽薰葭。晚昏謝家風景，陶家韻惱。詩魂陰晴，休問
濁酒且須吞。

右霞村

山瘦水冷，似宮娃掩面形。鄭公愚叟相隣，近簷頭
瀑傾枝頭鳥鳴。巖空石響，虛相映詠丁。猿吟鶴啞
留客坐孤亭。

右半谷

又四闕為禺同山人張愈光壽

獨倚異鄉樓，近星回。又早秋一盃起舞，為君壽。機心
舞鷗劍光射牛。年來世味都參透。向丹丘龍吟鳳奏。

好共九仙遊

張燭呪明瓊，為東君滿意紅。北山靈鷲，南山鳳扶桑。
掛弓蕪。福織葱溟雲燕。月多年共兩成翁相逢。似夢
何惜醉芳叢。

我欲問禺同，是詩人例。含窮儘將日月供吟。諷靈霞
吐虹行雲舞。風筆端造化長檄弄。惱天公籠鷗困鳳
秀句滿南中。

苦竹對黃蘆。嘆天涯歲月。徂中年湖海傷。遲暮休歌
缺壺休投暗珠。神仙元是英雄做。且歡呼霞宮月戶。

醉舞喚麻姑

駐馬聽五首再為愈光賦

太華峯頭移向昆池萬里流危巒掛月古木撐雲爽
籟吟秋神仙元愛住高樓山林又落詩人手採藥蓬
丘杖藜吾欲從君後

太華

小結茅茨月與高人本有期蛩吟露草螢點涼莎鳥
動風枝任吟花塢夕陽遲風林纖影乘秋霽齊坐嘯支
頤水晶宮闕非人世

月塢

剩水分江並蒂芙蓉本自雙南湖北垞東舫西船後
樓前窓水邊雙調換新腔菱童蓮女齊聲唱濁酒盈
缸醉眠雨、沙鷗傷

雙塘

綺散餘霞小謝詩中好物華丹光浦淑紫氣樓臺紅
影薰葭雞埭豚柵錦為家天教閑伴漁樵話吟岸烏
紗蕭々華髮斜陽下

霞村

遠絕躡塵谷口今逢鄭子真鴨闌懶護鴻弋慵揮犢
草眠今軒窓一半讓閒雲上林全樹何須問蕊裡翰
君檀郎夜伐南柯郡

半谷

折桂令道情

喚玲瓏莫唱黃鸝我自任日晏高眠一任他月曉爭啼懶聽龍吟休驚鶴夢穩伴鸞栖檀伐槐伐檀蟻穴裏難分彼此蠻攻觸觸攻蠻蝸角上不辨東西萬丈丹梯千仞青溪休要待鍾乳搏風石髓成泥伴淵明且醉黃花富貴浮雲身世烟霞歸去來芳鳴呼老矣大耋之嗟嘆落葉紅葉堆邊盃斝賦停雲白雲生處人家醉也猶誇醒也先賒弱水蓬萊穩上仙槎

嗚盧生休夢黃梁半餉歡娛無限淒涼海底撈針刀

頭吮蜜刺裏尋香是誰弱是誰強齊下手半斤八兩聽人歌聽人哭急回頭兩鬢千霜虞夏殷商晉宋齊梁付海漁樵閑話商量

勸齊奴休戀黃金東逝騰波西下顏陰塵務勞、空花杳杳暮景駸、斗量珠難償貴命蠟融薪邀上客未稱尊心壺裡乾坤物外雲林平地烟霞山水清音

玉抱肚 詠柳六首

綠絲金線醉和風搭在闌干玉人兒心緒如絲俏單衣正怯餘寒長條無計繫雕鞍泣雨傷春翠黛殘

綠遮紅映送離人短堦長亭惱東風一陣飛花曉來
時萬點浮萍君向瀟湘我向秦愁見河橋酒幔青
枝、交影占年光裊娜輕盈寬家的雨、風 多情
的燕、鶯、蘇家小女最知名捲葉吹為玉笛聲
鶯啼時候寂堪憐天晴雨收淡香毬燕外絲邊映秋
千馬上墻頭暖梳簪柔上粧樓深鎖春光一院愁
宮眉城髻擲春心正是愁時倚東風青眼初開謝東
皇玉手頻吹嫩於金色軟於絲立馬煩君折一枝
無見風韻折纖腰帖地啣簪語流鶯有意相投歲乳

鴉無處追尋我鵝黃鴨綠鬧春深可解牽留蕩子心

傍粧臺

喜春來小紅誰點露桃腮海棠睡起闌干外柳上黃
鸞却浪猜丹青樓閣重、映錦繡圍屏面、開沙茵
軟襯綉鞋笙歌聲度小蓬萊

喜春晴轉枝黃鳥兩三聲青樓曉色珠簾映紅粉春
粧寶鏡明牡丹庭院紅烟滿鴨綠池塘錦浪生梨花
月窗外明秋千蹴罷翠香亭

怕春陰花房冷閉蝶難尋輕寒曉拂桃腮嫩流鶯聲

懶柳絲沉篆烟銷盡重門靜冷落胭脂一徑深閑朱
戶冷翠衾楊花撩亂別離情

怕春歸桃花無語罷芳菲園林忽見紅憔悴滿庭芳
草帶斜暉曲水飄香人去也愁見墻頭梅子肥繁華
景能幾時銷魂樓上鷓鴣飛

傷粧臺

遠行人顛顛天涯萬里身想人生惟有離別苦客舍
青之柳色新數聲風笛津亭晚君向瀟湘我向秦難
分手欲斷魂酒醒何處各沾巾

遠行人且闌樽前見在身想人生到處渾如寄夢裡
輸贏總未真三年已制思鄉淚更入新年恐不禁心
如鏡鬢似銀形容變盡語音存

遠行人不願天涯金繞身想人生有酒須當醉莫向
長亭訴飲巡別時笑語風吹斷後會迷離夢寫真溫
泉水太華雲舊遊回首更傷神

遠行人何用浮名絆此身想人生會有相逢處南北
東西若比鄰一辭故國三千里獨戍遐荒二十春尋
蒼鷹覓錦鱗相思莫厭寄書勤

折桂令二首寄同時謫戍二公

懷佳人玉壘關西愁裏周行夢裡分携九曲寒波千
重雪嶺萬疊雲梯想南宮同酣戰蟻憶東華北聽朝
鷄往事休題舊跡都迷風柳條、烟草凄、右寄王

舜卿

恨佳人錢嶺遼東紫塞黃沙白雪玄風虎兕長鳴驂
騶不到鴻鴈難通說相思頻勞遠夢問平安仰仗蒼
穹羽箭彫弓意氣豪雄休問玄都幾度花紅右寄劉
汝楫

撥不盡

倚重簷捲疎簾江橋新水淹魚鱖山郭微風弄酒帘
林垆落日回樵擔高樓望斷

春山尖暮寒添桂花月吐殘霞掩柳絮風輕瑞雪沾
醪醑香冷餘春伴酒闌人散

水仙子

化枝似臉臉如花嬌臉無瑕玉有瑕黃金有價春無
價論風流誰似他惜分飛明日天涯冷落了秦箏銀
甲窸窣了金蓮翠屐空閑了玉笋琵琶

同心結做鳳頭鞋比翼排成翡翠釵三生未了鴛鴦
頂城鶯欺鷓鴣鴛鴦猜可憐人薄命多才折荷花愁斟別
泪對菊花悶損離懷見梅花早寄書來

清江引

人問榮華無主管樹倒胡孫散天吳紫鳳衣黃獨青
村飯先生一身都是懶

次前韻

月塢張愈光

老來翻教兒輩管世味搏砂散空思張翰尊頓減廉
頗飯狂歌興來猶未懶

次前韻

海月王宗正

功名古來早晏管何似投閑散休誇齊二桃請看周
三飯博南山人同我懶

一封書將席送別

陽關曲易終聚黛垂鬟雲鬢鬆鴛鴦與怕錦籠一个西
米一个東傾國傾城難再得行雨行雲無定踪擘釵
龍斷箏鴻酒滿飛花淚滿風

次韻

月塢張愈光

離亭宴未終玉減香肌金釧鬆晴波遠香霧籠人自

傷心水自東洞口桃花前度恨屐齒苔窠昨夜踪賦
游龍詠驚鴻洛浦行雲逐曉風

次韵

石岡沐希甫

高唐曉夢終暈眉銷卧髻鬆愁鷓別翠籠家住錢塘
東後東深閨暗綠添新恨芳徑殘紅憶舊踪鏡盤龍
悲離鴻腸斷桃根渡口風

陶情樂府卷四

小令

折桂令 華清宮

華清池流水溶溶波煖硫黃影泛芙蓉玉女溫湯仙人
畫閣天子離宮霓裳破繁華春夢洞房冷環珮秋風
雲雨無踪臺殿成空一片青山萬樹青松

折桂令 別程以道

且停杯試把歌聽我上雲山君下烟汀百二秦關三
千江水七十長亭望帆檣秋河曙耿倚闌干春樹雲
停流亦冷之細雨零之別夢回時別酒初醒

水仙子

曉^和眉黛月如鈎香濕雲鬟露未收清涵玉臂寒先
逐想佳人倚畫樓隔天涯萬里悠悠度流螢穿
上^上彈別鳳鷓鴣絃首望牽牛烏鵲橋頭

黃鶯兒

老枕恨鄰鷄未明時又早啼驚人好夢回千里星河
影低雲烟望迷雞聲纔罷鴉聲起冷淒淒高樓獨倚
殘月掛天西

駐馬聽

把酒花前錯聽黃鸝作杜鵑遙天歸鴈落日歸心遠
水歸船五更歸夢嶺雲邊一聲苦被鄰鷄喚愁理冰
絃絃中總是思歸怨

對玉環帶過清江引

長夜如年孤燈相伴曉海角飄零風塵何日了春夢
不曾成枕上聞啼鳥青鏡慵看朱顏容易老東風寂
寥去望杳望斷星關道心搖似旆旌愁亂如烟草百
般不如歸去好

一封書

風光入眼新芳草殘紅鋪錦茵隨流水踏軟塵痛飲
何須筭酒巡吹盡東園桃與李浪蘂浮花怎當春望
歸云黯銷魂三度傷春萬里身

滿庭芳

天地側身風塵回首何年夢落南荒家山千里煙月
自微茫萍水蓬風無定隨處徜徉葛藤話浮生半日
且卧老僧房門前來往路嘆迷踪羈旅混跡漁商看
海波渺々曲似回腸玉關外多愁易老筭不如沉醉
為鄉旗亭下千金斗酒一擲買春芳

醉太平

新愁廝禁舊約難尋落紅堆徑雨沉々鎖梨花院深
瘦來裙掩鴛央裙啼多枕破芙蓉印歌殘琴斷鳳皇
吟險顛折玉簪

黃鶯兒

刻木取泉遙看漕溪兩渡潮鬢絲禪榻成孤嘯僧門
懶敲漁舟且搖暮山凝紫烟光罩晚蕭々天牀衰草
一望客魂銷

折桂令

記銷魂鴈齒橋邊草色芊芊蓮葉田田玉鏡佳期金
釵暗約錦瑟華年天台洞盃今懶膽洞庭湖書斷龍
愁花又嬋娟月又嬋娟病也牽連夢也牽連

普天樂 別張愈光

碧鷄秋青蛉夜一年光景四度離別春風燕麥搖冷
雨芙蓉謝眼前傀儡兒童社滾波濤不辨龍蛇無情
歲月空成歎嗟老了豪傑

小桃紅

東君培養牡丹芽一刻春無價翡翠簾垂玉鉤亞鴨

天斜文君膩臉新粧罷風兒又刮雨兒偏下流出小
桃花

黃鶯兒 與沐太華遊蓮池

倒影錦雲天泛瑤池翠水邊凌波羅襪迎風扇香珠
迸圓柔絲暗牽相偎相倚長相伴西嬋娟清弦脆管
宜唱想夫憐

黃鶯兒 春夕

一水隔盈之峭寒生日暮情梨花小院人初靜玉簫
嬾聽金盃嬾傾月明閑殺秋千影夢難成村春相應

疑是棹歌聲

折桂令

紫毫書小研紅綃夢惹陽臺望斷春翹燕之鶯之風
風雨之暮之朝之剥春葱麻姑指瓜寫烟花周昉纖
腰水帶青潮雲鎖藍橋倩女離魂宋玉難招

折桂令 偶見

是誰家掌上雲英步之花迎笑之春生勸客登樓邀
郎捲幔約伴調箏卸蘭膏鬢雲再整拂檀痕眉月重
盈斗帳圍屏小語低聲休猜做燕請鶯招願結个鳳

誓鸞盟

折桂令 改雲林古曲

想英雄四海為家楚屋吳頭海角天涯墻外青山丘
冢白雪籬下黃花古道上來牛去馬小亭中暮靄晨
霞世事如麻吾豈匏瓜嬾追隨得意夔龍儘逍遙諫
退蜚龜

慶東原 改古詞

山中桂洞裏桃担功名兩字都拋掉夢醒回塵蕉火
焚然燕巢梁折斷鼈橋他得意笑咱們他失意咱們

笑鬢渡橋事見程史

水仙子

英雄回首即神仙山水清音當管弦園林好處都題
徧不燒丹懶坐禪對花枝中酒高眠任光陰眼前赤
電傲霜雪鏡中紫髯仗平安頭上青天

折桂令 高峽夕眺

枕高岡坐占鷗沙看曉渡帆檣晚市魚蝦紅葉園林
黃花籬落白水蕙葭望東寺雙浮佛塔指高峽一片
人家穩稱歸槎低岸烏紗滿酌村醪閑話桑麻

清江引

金鞍少年風韻別翠被春寒夜消息未歸來寒食烈
花謝秋千月明腸斷也

金衣公子 李菊亭携妓夜過

良夜客相過喚佳人細馬馱睡痕紅界桃腮破滇音
按歌秦聲半訛金屏笑暎如花坐夜如何東山高卧
興比謝公多

醉太平 春雨

阻鶯儔燕侶漬蝶翅蜂須東風簾幙冷瓊珠寒生院

字嚮琮瑋滴碎瑤階玉細溟濛潤透紗窓綠濕模糊
沈淡畫闌珠這的是梨花暮雨

折桂令

泛金波有女同舟羅襪生塵玉臉橫秋小雪晴天早
梅時候杜若芳洲文字飲不須誇口烟花寨正好藏
頭掌上溫柔懷裏風流笑吟罷韓渚香奩醉題在杜
牧青樓

折桂令

并翁狂寄前
詞奉此以答

西巒簡紹芳

問何如范蠡扁舟載得西施心思如秋兒戲江山醉

鄉天地吾道滄洲沾竹葉高峽渡口探梅花溟海沙
頭長嘯斜陽濯足中流且追隨六逸鴻冥再佐題四
皓龍樓

一枝花寄并翁

唐山范甫

蓉城明月軒貴竹清風院錦江春水船溟海秋花宴
南北東西在處堪留戀蓬萊閨苑仙判柳評花日
醉壺天倒峽傾河手弄玄元梁州眼根兒慣見的
是玉腕嬋娟夢魂兒怕聽的金殿傳宣者麼的前
生結下風流願今生受用緣非淺樂便清福無

邊雲烟落紙四方傳居夷風采長年健只是我翹
首峨眉不見顛極目岷江無限遠這些時才得信
音還碧雞金馬正盤桓欲從杖履共林泉昆明
池缺渡船點蒼山之隈蹇托鱗鴻無的便惆悵
無言迢遞情牽一代人豪能幾見尾蝼蛙諫
退無慙覩夔龍事業何須羨聲名炫赫如雷
電忠貞傳留光焰李杜文章天下顯

